

Mengecewakan!

Suara KeADiLan - 2-16/3/2006

Pemimpin-pemimpin pembangkang menyifatkan Kabinet baru Datuk Seri Abdullah Ahmad Badawi sebagai lemah dan mengecewakan.

GAGAL TEPATI JANJI

Mengecewakan... bahkan, saya sendiri telah dihubungi oleh beberapa pemimpin Umno yang melahirkan kekecewaan itu, Abdullah gagal tepati janji sebelum pilihanraya lalu untuk memastikan Kabinetnya adalah Kabinet yang bersih. Saya percaya ada pemimpin lain yang lebih bersih jika diberi peluang.
Naib Presiden KeADiLan Azmin Ali



KABINET KITAR SEMULA

Kabinet 'kitar semula' Rombakan tersebut tidak memperlihatkan perubahan yang diharapkan. Orang ramai tidak nampak pasukan baru ini akan membawa agenda perubahan seperti yang dilau-laungkan oleh Abdullah. Kempen memerangi rasuah yang dibuat oleh Abdullah dengan sendirinya terhapus apabila masih mengekalkan dan melantik mereka yang dikenali sebagai perasuah dalam Kabinet beliau. **Ketua Penerangan KeADiLan Tian Chua.**



UNDUR KE BELAKANG

Rombakan itu jelas satu tindakan mengundur ke belakang, dari sudut membina negara ini bebas dari rasuah. Abdullah tidak dapat menterjemahkan kata-katanya itu melalui tindakan. Sama ada beliau menipu kita atau sememangnya beliau tidak mampu melakukan perubahan, tetapi apa yang jelas beliau gagal melakukan perubahan yang diharapkan. **Ketua Angkatan Muda Ezam Mohd Nor**



PERANGI RASUAH?

Kekecewaan yang amat sangat terhadap pengumuman rombakan Kabinet yang dinantikan sekian lama. Tidak ada perbezaan di antara Kabinet yang dilantik selepas BN menang dalam pilihanraya umum 2004 seperti yang diharapkan dan diperlukan oleh rakyat Malaysia. Tidak membayangkan hasrat kerajaan Abdullah Ahmad Badawi untuk memerangi rasuah. **Ketua Pembangkang di Parlimen Malaysia Lim Kit Siang**



TERKEJUT

Kami terkejut. Kami menjangkakan lebih banyak perubahan besar berlaku dalam barisan Kabinet, tetapi apa yang berlaku memperlihatkan menteri yang rasuah masih dikekalkan dalam Kabinet. Rombakan ini terlalu lambat dan tidak memperlihatkan sebarang kesan untuk menjayakan agenda perubahan dalam negara. **Timbalan Presiden PAS Nasharuddin Mat Isa.**

